



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-156-2/23**

Datum: 27.04.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica „LAFAT KOMERC“ d.o.o., Kalesija za izdavanje vodne saglasnosti za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta lakirnice u privrednoj zoni Kalesija, općina Kalesija, na osnovu člana 109. stav (1). tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj saglasnosti**

1. Pravnom licu „LAFAT KOMERC“ d.o.o., Kalesija, daje se vodna saglasnost za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta lakirnice u privrednoj zoni Kalesija, općina Kalesija, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija u skladu sa projektnom dokumentacijom:
 - Glavni projekat tretmana i recirkulacije tehnoloških otpadnih voda iz pogona lakirnice i prikaz postojećeg stanje dispozicije svih otpadnih voda sa radno manipulativnih površina predmetnog kompleksa, pravnog lica „LAFAT KOMERC“ d.o.o., Kalesija urađen od strane „TQM“ d.o.o. Lukavac, april 2023 godine.
2. Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
4. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, u skladu sa odredbama člana 114. stav (3) Zakona o vodama, ovjerena od strane ove Agencije vraća investitoru na trajno čuvanje i sastavni je dio ovog rješenja.
5. Vodna saglasnost se daje pod slijedećim uslovima:
 - 5.1. Radove na izgradnji objekata i sistema za prikupljanje, odvođenje i prečišćavanje tehnoloških otpadnih voda lakirnice sa pratećim sadržajima izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 5.2. Nakon izvođenja radova na sistemu prikupljanja, odvodnje i prečišćavanja tehnoloških otpadnih voda, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 5.3. Način ugradnje uređaja za prečišćavanje tehnoloških otpadnih voda i stavljanje istog u pogon uskladiti sa proizvođačem opreme.

- 5.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 5.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 5.7. Predvidjeti da se sav otpad nastao u toku izgradnje, prikuplja i zbrinjava u skladu sa važećim propisima o postupanju sa otpadom.
- 5.8. Podnosilac zahtjeva je obavezan ispoštovati uslove iz Rješenja o naknadnoj urbanističkoj saglasnosti broj: 02/2-1-19-1-537/22 od 20.03.2023 godine izdato od strane Službe za prostorno uređenje, geodeske i imovinsko-pravne poslove, Općina Kalesija.
6. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine od dana pravosnažnosti ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
10. Ova vodna saglasnost može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „LAFAT KOMERC“ d.o.o., Kalesija, pismenim zahtjevom zaprimljenim dana 12.04.2023. god., zatražilo je izdavanje vodne saglasnosti za ispuštanje otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta lakirnice u privrednoj zoni Kalesija, općina Kalesija, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija, a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija uplatnice administrativne takse,
- Rješenje o izmjenama podataka u sudskom registru broj: 032-0-Reg-22-001736 od 11.11.2022. godine, izdatog od strane Općinskog suda u Tuzli-ovjerena kopija,
- Uvjerenje o poreznoj registraciji izdato 17.07.2013.godine, od strane Porezne uprave – Kantonalni ured Tuzla -ovjerena kopija,
- Ovlaštenje broj: 533/22 od 26.09.2022. godine,
- Rješenje o naknadnoj Urbanističkoj saglasnosti broj: 02/2-1-19-1-537/22 od 20.03.2023 godine izdato od strane Službe za prostorno uređenje, geodeske i imovinsko-pravne poslove, Općina Kalesija-ovjerena kopija,
- Rješenje o prethodnoj vodnoj saglasnosti UP-1/21-1-40-259-6/22 od 27.12.2022. godine izdato od strane «Agencije za vodno područje rijeke Save» Sarajevo,
- Obavijest o potrebi okolinske dozvole broj: 12/1-19-032838/21 od 28.12.2021 godine od strane Ministarstva prostornog uređenja i zaštite okolice Tuzlanskog kantona-ovjerena kopija,

- Uvjerenje položaj parcele u odnosu na izvoriste vode za piće broj: 02/1-1-20-600 od 14.02.2023 godine izdato od strane Službe za privredu i budžet, Općina Kalesija-ovjerena kopija
- Ugovor o pružanju usluga broj: 07-36-609/12 od 18.10.2012 godine zaključen sa JP „Vodovod i kanalizacija Kalesija“ d.o.o. Kalesija sa računima za utrošenu vodu i odvođenje vode

B.Tehnička dokumentacija

- Glavni projekat tretmana i recirkulacije tehnoloških otpadnih voda iz pogona lakirnice prikaz postojećeg stanje dispozicijesvih otpadnih voda sa radno manipulativnih površina predmetnog kompleksa, pravnog lica „LAFAT KOMERC“ d.o.o., Kalesija urađen od strane „TQM“ d.o.o. Lukavac, april 2023 godine,
- Revizija Glavnog projekta br. REV 06-04/23 urađena od strane „EUROING“ d.o.o. Bihać, april 2023 godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

Lokacija predmetnog objekta lakirnice se nalazi unutar postojećeg proizvodno-poslovnog objekta (hala 7) za kojeg je izvršena prenamjena, na zemljištu označenom kao k.č. broj: 1216/29, 1216/49 i 1216/60 K.O. Prnjavor, općina Kalesija dok se cjelokupan kompleks nalazi na k.č. 1216/45, 1216/48 i 1216/18, 1216/47, 1216/36 i 1216/48, 1216/43, 1212/3 i 1216/61, 1216/20, 1216/35 K.O. Prnjavor te k.č. 408/2, 409/6, 410/5, 1213/6, 409/3, 408/3 K.O. Kalesija Grad. Na predmetnoj lokaciji se nalazi i drugi objekti (skladišta gotovih proizvoda, magacini repromaterijala i drugi pomoćni objekti).

Osnovna namjena predmetnog objekta je lakirnica. Postupak čine procesi koji ponjinju od odmašćivanja metalnih elemenata pa sve do farbanja i pečenja.

U predmetnom objektu voda će se koristiti u tehnološkom procesu za odmašćivanje i pranje metalnih elemenata. Zaprlijane tehnološke otpadne vode se prečišćavaju do potrebnog stepena kvaliteta, a zatim vraćaju u zatvoreni sistem (recirkulacija) tj., neće biti ispuštanja otpadnih tehnoloških voda.

U procesu tretmana i recirkulacije tehnološke otpadne vode u sistemu će nastajati čvrsti otpad koji će s odvajati na hidrauličnoj presi za odvajanje mulja i putem ovlaštene firme periodično odvoziti na trajno zbrinjavanje.

Snabdijevanje vodom za potrebe predmetnih objekata će se obezbijeti sa postojećeg gradskog vodovodnog sistema.

Otpadni materijal će se razvrstavati po kategorijama i zbrinjavati na adekvatan način propisan zakonskom regulativom.

Predmetni poslovni objekat se nalazi u industrijskoj zoni općine Kalesija i isti se nalazi u IV zoni sanitarne zaštite izvorišta Krušik, a što je navedeno u aktu-uvjerenju broj: 02/1-1-20-600 od 14.02.2023 godine izdato od strane Službe za privredu i budžet, Općina Kalesija.

U projektnoj dokumentaciji su predviđene i detaljno opisane dodatne i standardne mjere zaštite u IV zoni zaštite izvorišta „Krušik“ koje će se morati obavezno provoditi putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost vode.

U projektnoj dokumentaciji je dati opis i prikaz rješenja zaštitnih mjera kojima se onemogućuju ili smanjuju štetne posljedice od velikih voda i koje se moraju preduzeti prije izgradnje i korištenja objekata.

Na lokaciji predmetnog kompleksa će nastajati otpadne vode na dijelu radnog platoa, parking površina te manipulativnim saobraćajnicama u krugu objekta. Ove vode će se putem slivnih rešetki te separatnom kanalizacionom mežom odvoditi do separatora ulja i masti sa koalescentnim filterom. Prečišćena voda će se preko okna za monitoring i putem kanalizacionih cijevi odvesti u otvoreni kanal sa ispustom u rijeku Spreču.

U projektu je navedeno da se kompleks „LAFAT KOMERC“ d.o.o., Kalesija ne nalazi u vodnom dobru niti je pod uticajem velikih voda 1/100 rijeke Spreče i njenih pritoka Bukovice i Kalesijske rijeke.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima Općine Kalesija.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-259-6/22 od 27.12.2022 godine izdato od strane «Agencije za vodno područje rijeke Save» Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić dipl.inž.tehn.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „LAFAT KOMERC“ d.o.o. Ul. Industrijska zona bb, Kalesija (Prilog: Tehnička dokumentacija pod tačkom B. ovog rješenja)

⊗ AVP-ISV -Vodna knjiga

- Sektor 40, arhiva

- Oglasna tabla AVP-Sava Sarajevo